



09677

馮恭定公書卷十七

傳

河南衛輝府通判一軒劉公傳

長安馮從吾神好著

余外王父一軒劉公諱璽字廷節一軒其別號也先世宜川人始祖諱孝先國初從戎隸西安前衛因家焉父諱俊以季子琛貴贈兵部主事舉子五先生為中子伯兄琰以成化丁酉舉人知河南新鄉縣季弟琛以弘治壬戌進士歷山

馮少墟集

卷十七

傳

一

西僉憲有司各豎棹楔于門關中稱為三牌樓劉家云公幼穎敏絕人讀書即知大義稍長與僉憲公同遊膠庠每試兄弟迭為諸生首督學遂菴楊公深器重之弘治乙卯同舉于鄉是時縣尹公已謝政兄弟三人衣冠濟濟時人榮之公遂遂不自多明年下第歸閉門授徒益修舊業僉憲公北面從受學出其門者如公之甥王太府諱王僉憲謳內弟張憲副環及僉憲公先後俱成進士公屢上春官竟不利謁選河南衛

輝府通判居數月喟然嘆曰其曩所為下帷攻
苦為二尊人耳今二尊人以吾弟貴吾志遂矣
吾老矣又安得以五斗苦七尺哉且公宦情素
淡不能隨上官俛仰會有言者即浩然歸歸而
買田城西南構別墅數椽僅蔽風雨躬耕以老
終歲足不履城市一日寇至索無所有止劫一
羊裘去已而笑曰不意劉官人貧至此復還之
每農暇即取四書大全朱子綱目讀之或謂其
迂以為公復應舉子試耶公曰吾平日所樂在
馮少墟集

卷十七

傳

二

此舍此無所事事矣年七十九卒公初娶于吳
繼張再繼邢先宜人張媪出其子孫繁衍不具
述馮從吾曰余幼時每侍先大夫輒稱引公以
訓從吾兄弟公為人真率質慙絕無世俗脂韋
態即或有矯枉過直處要不失君子先進之風
也乃今則時尚靡而人趨競矣搯腕狂瀾安得
如公者起而障之執論者謂國朝人物惟弘
正間為最盛嗚呼觀公可知也

先生姓姚氏諱顯字微之咸陽人正統九年鄉
舉在太學三上封事皆闢異端崇正道安社稷
之謀景泰五年四月上疏言王振修大興隆寺
車駕不時臨幸佛本夷狄信佛得禍若梁武帝
足鑒時上上款幸隆福寺太學生濟寧楊浩與
先生相繼言上遂罷行名震天下後寓居長
安西郭藩臬諸公造之食以蔬糲無弗飽者令
齊東武城二縣祀名宦循政詳山東通志中當
時民歌之曰先有子游後有姚公學道愛人同

馮少墟集

卷十七

傳

三

一古風而先生自讚其像曰六尺長軀尺五長
鬚學古入官讀孔孟書軀兮鬚兮五十三年而
知五十二年之非軀兮鬚兮碌碌庸庸不能作
邦家之基官至太僕寺丞馮從吾曰師友之益
大矣先生之寓居長安也以與李介菴先生講
學故介菴以理學鳴關中而先生與之為友交
砥互礪俱成名儒是先生之氣節蓋從學問涵
養中來也彼虛憍恃氣者視先生當赧然愧矣

朱貧士傳

朱蘊奇字子節西安右護衛人家貧甚僦屋而居妻子織網中為生讀書古東嶽廟嘗併日而食宴如也聽講寶慶寺寒暑不輟一日其子因差徭下獄會天雨四日不食氣息淹淹待盡矣時嶽廟有大戶收糧米者黃冠憐之因取其米少許為粥以食蘊奇知其故心計以為此官米何可竊也曰死即死耳豈可以臨死改節竟不食而亦不明言其故同舍生素誚蘊奇迂橋至此始深服其節操以為不可及因出其食食之

馮少墟集

卷十七

傳

四

蘊奇曰此可食也由是始得不死而劉孝廉必達聞而義之因白於衛官始出其子於獄當路諸公及士大夫有高其節而周之者必擇而後受一毫不肯妄取先是嘗之市途有遺網中二頂其子拾之蘊奇曰彼之失猶我之失也使夫失此二網則舉家懸罄矣即命其子追而還之其人感甚欲分其一為謝蘊奇竟謝不受父早喪養母曲盡其孝母歿毀幾滅性秦俗人死多用青烏之說當於某日某時避殃殃謂死者之

魂來辭家而家人或庶幾見之者也而見之者
凶以故當避此其說幻妄不足道而秦人多惑
之蘊奇曰使果有此殃也吾猶可藉此一見吾
母使果無此殃也吾又何為避之伏棺痛哭竟
不避而卒亦無恙人稱其孝秦俗之惑由此少
破年五十一以布衣終蓋已酉八月十八日也
生平苦節篤行一步不苟人共稱之歿之日貧
無以為歛葬聞義而賻者幾數百人始克襄事
有子五人貧幾不能聊生長安令脩齡楊公為

馮少虛集

卷十七

傳

五

構屋三楹居之仍扁其門曰高士監田令思軒
梁公祭之以文學臺青巖段公廉憲祥字李公
各捐金優恤其後段公扁曰處士李公扁曰懿
行範俗聞者莫不咨嗟太息以為為善之報而
諸公之高誼尤近世所罕觀風世勵俗功蓋不
小云馮子曰學問之於人甚矣哉宋生操行如
是固天性使然亦講學之效不可誣也生每赴
余寶慶之會見衣敝履穿人或謂之以為貧至
此不聽講可耳余聞之應曰如此是聽講者皆

當鮮衣華服以飾觀美矣誚者語塞嗚呼死生亦大矣朱生死且不貳天下又何物能貳之哉傳云見利思義見危授命若朱生者亦庶幾近之矣

太尉貢士樊公傳

關中有篤行君子曰樊公諱天叙字敦夫號看山後更號與楓世為西安右護衛人家世武弁公少有遠志父戶侯公殉公以嫡長當承廢乃謝去折節學舉子業籍西安郡諸生每試凜然馮少墟集

卷十七

傳

六

前列尤以德行屢為督學使者所獎願數奇不售于棘闈萬曆戊寅以積廩充貢如京師時年已六旬矣將廷試偶疾作輒謁歸隱居不仕就城北故廬畔讀自老號曰與楓蓋自况云公天性孝義母病篤忽思爐餅苦厨無具者求諸里舍及歸母逝矣遂悲悼終身不食爐餅廬墓數載人多不及知年方強仕內子相背故有一侍婢即日遣之諸子念公起居懇勸再娶公峻拒之徐而曰子德非閔曾恐貽家累爾由是終

身不再娶嘗苦家居不得壹志于學偕二三友人讀書蕭寺斯夕必整衣冠相揖或朝其迂曰不可以燕居廢禮也同儕雖雅相厚善亦不戲譁曰善戲譁方不為譁方非武公不能也其他一言一動無不斤斤繩尺自少至老無少踰越故至今里中月旦皆曰樊道學樊道學云萬曆乙酉按臺貞復董公以孝行扁其門仍給粟帛以風頽俗德清許敬菴先生督關中學延公臬監田王秦關先生講學正學書院亡何公以疾馮少墟集

卷七

傳

七

卒許先生為七言律吊之曰丈人高行冠鄉閭閉戶長安只著書恬處蕭齋同野衲懶隨塵鞅謝公車希蹤古道貧逾力問學吾門老更虛菴爾少微星殞沒令人灑淚滿襟裾而一時士大夫傳誦其詩咸歎歎息以為實錄云公生平不好博奕不親聲妓不言人過失杜門終日惟知讀書故于書無所不闕第不輕于著述輿到或構詩歌自詠間吮毫作水墨小畫殊有解衣盤礴之意惟是素寡交遊故詩畫傳者甚少生

正德己卯正月初一日卒於萬曆丙戌八月二十四日享年六十有八子圍圍相繼襲祖職馮從吾曰自世之降也士以放縱為真以敬謹為偽以稱惡為直以揚善為黨士風决裂莫可底止如公卓然自立之死不貳者幾人哉公于余為前輩而樂與余為忘年交余知公最深獨愧貌公不盡雖然世豈乏執鞭頭焉者士風其庶幾有瘳乎

楊繼母傳

卷十七

傳

八

楊繼母姓龐氏吾會友楊孝廉重熙之繼母也

重熙生七歲而失其母蕭九歲而失其父縣尹

公翀然重熙得至有今日者龐氏以也故重熙

每為余言及繼母龐氏事輒潸然泣屑交頤云

龐氏適縣尹公僅僅浹歲以故子女無所出當

縣尹公捐舍時龐氏撫棺且泣且誓曰傷我天

乎未亡人不難從夫于地下第有此孤在耳所

不撫摩此孤而有異志者有如此棺于是茹荼

孤闈幾三十年而以壽終終之後七年為萬曆

甲午重熙舉于鄉以孝廉聞嗚呼龐氏亦可以
瞑目矣重熙之言曰熙不肖生而臞甚母保護
之祇况重光有加焉不肖年已壯不自知其非
龐母出蓋龐母素未嘗以前子子不肖不肖又
安所知以繼母母龐母也故至今鄉黨宗族稱
慈繼母者必于龐母首僂指焉言已淚下不能
已余聞之為之欷歔太息者累日重于人心世
道有感云夫人性皆善匹夫匹婦皆可與知能
彼世所稱繼母者豈盡皆蘆花輩哉柰世之人
馮少墟集

卷十七

傳

九

但見一繼母不問賢不賢即曰其繼母其繼母
云于是為繼母者苟非卓然特然亦未有不因
人言而不以繼母兩字自橫于中者以此兩字
橫于中則方寸有物所在成隙雖有生來愛子
之真心久之浸假而化漸滅而歸于無有矣由
是以觀世所稱繼母之不慈也豈盡天性然哉
亦習俗之移之耳而其間卓然特然者豈遂乏
人士君子間于大較因豈懲羨槩謂天下無慈
繼母吁亦寬矣余觀龐氏事竊恠世之繼母移

于習俗者固多而又恠士君子槩以世之繼母
為移于習俗也至使賢者無以自白不賢者遂
得而甘心也其為人心世道關係不小于是作
楊繼母傳以風之

入女四先達傳

尚書雍公

公名恭字世隆別號誼菴咸寧人成化己丑進
士知吳縣吳濱湖漲淪田千頃公作隄民受
其利稱雍公隄吳民有妾亡者妾父訟其夫密
馮少墟集

卷七

傳

十

殺吾女兩月匿尸湖中石下召訊夫夫曰妾逃
兩月跡求無效妾父脅財始知死所公使人視
尸死當近日乃訊父曰夫夫密殺汝女汝安知
匿於石下此又豈兩月尸耶必非汝女汝殺他
人女冀得賂耳一拷而服甲辰詔擢為御史吳
俗令行皆饋樓船公獨不受民涕泣固饋乃駕
至張家灣還之吳人歌曰時苗留犢雍公反舟
既守御史彈射不避權貴褒揚不滲卑遠時咸
寧伯王公典院事語親舊曰棘避驄馬御史也

初巡南城四城咸求折訟公曰去有主者民崩
首他官不辦也公為折之于是豪右斂跡聲震
京師巡居庸紫荆兩關軍民讐服嘗嘗梨盜後
有首得遺驢者訊之乃前盜官梨者也巡鹽兩
淮且滿巡撫都御史以公力過權要商民咸悅
復奏留一年初公至准竈丁貧而鰥者幾二千
人比及二年俱要完室既去淮南人詠曰客邊
檢索渾無硯海上遺民盡有家又曰了却四千
兒女願春風解纜去朝天云己亥陞鳳陽知府
馮少墟集

卷七

傳

十一

未任丁外艱服闋改南陽唐王奏取民田千頃
命下按察勘給公力執不從奏曰民去王誰與
示甲辰陞山西大同兵備副使公至鎮汰侵漁
振頽慢廣墩堡制兵車以禦胡胡自公至不敢
襲邊千戶韋英誣民百人謀逆巡撫將坐實以
聞公不可後百人竟得釋陞山西按察使晉獄
無冤綱紀振肅有父訟其子失養者公垂涕泣
喻子曰爾由襁褓何所食得至今日乃不顧父
母之養私其妻子罪當誅其父復號泣乞原曰

愚民老且死僅有此兒一時感怒不知至此公始釋之曰慎勿又犯乃卒為孝子尋與太原知府尹珎以事相揭奏逮公錦衣獄無證佐遷湖廣叅政湖民被誣為強盜者七八人歷多官不解御史下公甚畢得誣狀盡釋之七人皆圖公像祀于家武昌知府王達貪虐而喜媚權要當述職自布政按察率與上考公粲然曰泰敢黨達以負國邪獨注曰上官畏其暴下民被其虐諸公變色後達卒黜辛亥陞浙江右布政使太

馮少墟集

卷十七

傳

三

宰屠公家衆鬻販私鹽鄉人效尤幾至千輩盜竊橫行公先收屠僕抵罪諸寮咸諫公曰此等為屠公禍屠公豈知禁此當非大助耶既而丁內艱未闋吏部辟為山東左布政使回辭不起已未詔起右副都御史巡撫宣府居宣府二年諸所奏議咸當時務士民祇畏邊陲宴安士無室者援兩淮例來訴公復以與完娶千人叅將李傑不法部下狀其惡公將叅奏李跪堂下乞免責以圖自新公曰此亦軍法也縛下杖之三軍

殷慄已乃諧公于時相時相于李有感黨言官
遂劾公擅打將官罷歸正德丁卯言官潘鐸諸
人交薦公有敢死之節克亂之才詔起公為左
副都御史董操江或問公此出以何為先公曰
請先誅劉瑾耳聞者咋舌時瑾正用事御左遷
除厚賂行謝鄉人喻公公曰進退在天若柰我
何未幾陞南京戶部尚書又不謝遂勒令致仕
仍罰米千石芻千束輸宣府潘鐸諸言官及靈
寶許公進鈞陽馬公文升華容劉公大夏十數
馮少墟集

卷七

傳

十三

人皆以薦公獲罪而許公進嘗語人曰吾遙望
關西見有二高一為華嶽一為雍世隆也年八
十卒卒時榻下有聲若雷鳴訃聞

上賜祭葬先是禮部奏稱雍某才明剛斷操行
清介至老不渝當時以為確論公善事二親比
歿哀悼浮禮同學李介庵先生錦博學履道名
通天下選公而交比公五試禮部不第勸公仕
公曰易不云乎行而未成君子弗用也李君歎
服奉身儉素雖貴賓至肉味止一二品初第時

歸省鄰人遺以束薪固辭或詰之公曰昔伊
非其道義一介不以取諸人如何方入仕籍
先貪也巡撫王公會公語曰前辟人不勝厥
後不敢辟人矣公曰寧教人欺公莫教公欺君
豈可因此而怠進賢之道王公退語藩臬諸大
夫曰雍進士能識大體他日樹立非我輩所及
致仕後居韋曲別墅日焚香危坐間出與田翁
野叟談稼穡及鬼神事經年不入城市當道諸
公求一見不可得族黨有犯必告有司曰某是

馮少墟集

卷七

傳

十四

曰某非幸無為某故屈法所著有司徒奏議五
卷正誼菴詩集六卷公無子故遺書多散逸不
傳高陵呂涇野先生柎銘其墓鄭端簡公吾學
編有傳馮從吾曰孔子于剛者歎其難見蓋歎
直剛之難也公與介菴講明理學剛大之氣蓋
從直養無害中得者彼剛復自用而自命曰剛
是曩者夫子所謂張也愆焉得剛者也視公霄
壤矣

大恭李公

公名崙字世瞻別號靜菴臨潼人聞咸寧李介菴先生講理學遂師事之因僑居咸寧其作止語默壹稟於介菴成化己丑進士授山西屯留知縣時大饑公請賑後民鑿河渠民多所全活陞戶部主事歷郎中陞直隸廬州知府清慎自持鋤強抑暴興學築堤百廢俱興歲饑遍歷所屬加意安輯出庫藏銀帛令自易食春初價貴始發倉廩賑濟全活者衆存留所屬起解馬疋令輪流解馬七戶資之民困始蘇戶口鹽鈔存馮少墟集

卷七

傳

七

留稅糧令解價三之二給軍一充府庫軍民兩便巢縣大河水急人每溺死創立浮橋以便往來自用淡薄一書案衣八年始易陞河南左叅政未幾丁外艱復補山東叅政又以內艱歸服闋貧不能治裝遂不出比率幾無以為殮西安郡守馬公炳然捐俸命官營塋事夫人郝氏不能遣日撫按兩臺奏聞命所司月給米養終其身亦殊典古屯留名宦志稱公好學甘貧不事華飾賑蘇殍餓開鑿河渠民賴安養而廬陽

志稱公為人鎮密方正廉靜寡欲有古君子風
祀廬州名宦何大復撰雍大紀馬谿田纂陝西
通志載公行履尤詳今祀臨潼鄉賢祠論曰世
之降也士通苞苴克囊橐自為得計即有清修
之士或不茫其妻孥人且以迂腐誚之矣曰廉
吏安可為也世道至此可勝浩歎如公一介不
苟清節凜然當此狂瀾直稱砥柱嗚呼以風矣

給諫張公

公名原字士元別號玉坡三原人師事王康僖

馮少墟集

卷七

傳

七

公講理學與馬谿田為友言動一於古人弘治
乙卯舉於鄉正德甲戌成進士授吏科給事中
遇事敢言即上書言十二事曰正守令擇將帥
理刑獄汰冗食省征歛慎工作恤士卒明賞罰
禮大臣開言路崇天道進德學忤旨降貴州
新添驛驛丞至貴州學者聞公名莫不裹糧負
笈而從經所指授輒克然有得居夷八年困心
衡慮用是造詣益精閱歷益熟羨方士風為之

一變嘉靖紀元復召兵科給事中公感知遇益

以諫諍為己任言皆剴切凡論國家大計及進
賢退不肖詞嚴色正凜然風生上亦多嘉納
之三年七月以諫大禮被逮杖死闕下先是
公有停司禮監請乞一疏中貴人銜之所以廷
杖獨重竟至不起年僅五十一耳時禁方嚴吊
客無敢至者獨都給事安磐與公同杖幸不死
而為之經紀其後事因哭之以詩曰七載夷方
謫三年諫議班家聲績臺吏封事動天顏吊客
何人至秦川有襯還不才同逐放後歿淚潺湲

馮少墟集

卷七

傳

七

康僖公贊其像曰穎敏絕俗名高登第剴切過
人職居要地不以一時之失竄炎荒而動心不
以一時之得復青瑣而樂意利害滿前何敢趨
避諫諍報上惟知奮勵其身雖死其烈則著
百世之下必有指其事而歎之曰斯人也誠哉
乎忠義之士

穆廟初奉

世宗遺詔贈公官錄其後贊曰孔子有言求仁
而得仁又何怨公八年處困人易動心一旦賜

環竟以諫歿所稱求仁得仁者非邪憂國如家
視歿若飴龍逢氏之儔歟比干氏之儔歟

尚書劉公

公名儲秀字士奇別號西陂咸寧人舉弘治甲
子鄉試登正德甲戌進士授刑部主事歷郎中
武廟末闢官用事大獄屢起公不避權幸多所
平反錄囚蜀中全活尤衆嘉靖癸未以文塋分
校禮闈所取多名士時同舍郎薛蕙張治道輩
與公俱以詩名當時有西翰林之稱甲申出守
馮少墟集

卷七

傳

六

鎮江郡中大治戊子擢山西提學副使崇雅黜
浮士風丕變庚寅陞河南左叅政尋以前提學
時文移之誤罷歸丙申薦起湖廣叅政未幾遷
江西按察使浙江右布政轉湖廣左庚子晉都
察院右副都御史巡撫遼東時遼鎮屢經虜變
邊事大壞公力為振刷辛丑大兵西寇錦義東
犯開原公督率將士戮力破魯斬獲數多二次
奏捷

上降璽書褒嘉仍有白金文綺之賜特召入為

戶部右侍郎以公有破魯功且久諳邊事改兵部丙午復改吏部丁未擢戶部尚書總督倉場督理西苑農事時陶仲文方幸

上至以三孤兼禮書蓋一時有八尚書而公于仲文獨不為禮且題彘符于倉塲門有六部七尚書獨愧鵠班之列之句仲文過而銜之尋改公兵部尚書二品例應疏辭疏中語及復套事時嚴嵩方借復套謀陷夏言因與仲文交構上前遂奉

馮少墟集

卷七

傳

九

旨為民角巾野服優游田里者十有一載卒年七十六公立朝居鄉毫無訾議止以見忤分宜無故削籍生前未得復冠帶而後後又因無子不能請卹典卒使一代名臣齋志泉下豈不悲哉公所著有西陂集若干卷少師徐文貞公階為之序

蕭沈二先生傳

蕭先生余啓蒙師沈先生余受經師也蕭先生諱九卿字良輔別號後山長安人少為邑諸生

鬼域林闈不售後棄去設科為童子師余九歲
從先生學先生為人嚴整不輕言咲篤於倫理
事父曲盡孝養尤善事兄長其兄貨殖建康夏
月中暑歿于舟中先生號泣躬迎扶櫬西歸貨
資封識死然悉歸嫂侄涉獵羣經尤長於易至
綱目性理爛熟胸中至老猶手不釋卷生於弘
治己未三月十六日卒於隆慶壬申十月十一
日享壽七十有四孫景德景才俱有守沈先生
諱豸字司直西安前衛人讀書灃邑之濱學者

馮少墟集

卷七

傳

廿

稱灃源先生自幼端方正直為郡庠生鍵戶誦
讀不妄交游席遇妓輒避之工舉子業每試冠
儕輩尤以德行屢見褒於學臺門下執經者甚
衆余年十四從先生受毛詩見先生座右大書
心術不可得罪於天地言行要留好樣與兒孫
二語心竊識之知此可以知先生為人矣坐數
奇竟困於棘闈齋志而沒是在萬曆己卯十二
月二十九日距生嘉靖乙酉正月十六日壽僅
五十有五先生有子士奎為長安邑諸生甘貧

苦節有父風馮從吾曰古人去師道立則善人多誠哉是言也今世衰教微師道廢而不講久矣世安得多善人哉二先生生平俱以敬謹自持以嚴毅教人即以余之不肖而不至大有暴棄皆二先生力也撫今思昔可勝感慨因為傳次以識泰山梁木之痛云

馮少墟集

卷七

傳

世

祭文

祭王蓮塘太史文

皇明羅雋昂甲稱先曰余關輔科不乏賢高陵
武功其最著焉維公嗣起於鑠光前吁嗟呂康
位不滿德學士大夫歎息靡極物望屬公大拜
在卽胡天不吊陽九數逼天不公壽人為公哀
余所哀者不在昂台維呂之學維康之才公也
兼之後進取裁公昨入京余接光霽公曰小子
毋先文藝方今世風流波靡涕維余與汝交相
馮少墟集

卷十七

祭文

廿二

砥礪余謝不敏公曰勉諸聖賢學問不在佞虛
躬行實踐竭盡無餘余聆公訓敢不拮据公雖
云亡言猶在耳思公不置嗟余無倚斯文之厄
吾道之否心之悲矣曷維其已嗚呼天壽理屬
渺茫恁人弗永天道靡常輻軒宸發丹旒飛揚
摘辭布真寫我肝腸

祭許封翁文

德清敬菴
先生尊人

遑翁伯子我師督學關中兮首倡明夫理道嗟
余渺渺以猥劣兮叨挺植于鴻造繫我師學有

淵源兮惟庭訓之無違
羗執牛耳于中原兮俾
斯道之常輝揆元元而
本本兮景我翁于有素
祇北斗而泰山兮憾識荆
以無路聞翁採芹于
東菽兮紛燁燁其蜚聲
柰數竒而屢躋兮竟散
徒乎榮名謝塵世之紛
華兮乃潛神于聖學皆
徜徉于茗雪兮信修姱
而抱朴彼蒼夙鑿其屋
積兮縱濬發而流長爰
篤生夫象賢兮翩鳳翥
而龍驥膺南北之銓衡
兮復剖符于劇郡繇文
衡而京兆兮益潛心于
學問以田舍為子舍兮

馮少墟集

卷七

祭文

三

展戲綵于庭除胡我翁之不
勦兮遽騎箕于太
虛惟有子為不死兮翁雖沒
而猶在也我師孺
慕以終身兮悲風木而永
嘅也既逾耄而望耄
兮已考德而令終且霑恩
于申錫兮肆昭假于
蒼穹將瞑目而游九原兮
付乾坤于大運惟頌
尼山于啓聖兮夫孰不源
源于遺訓矧從吾等
夙奉教于我師兮誼同立
雪之游楊倏聞柝
之既萎兮我心盡然而悲
傷寄哀悼于隻
瞻餘不而歌薤露冀靈爽
其不昧兮洋洋乎未

傲而來願
祭西郭先生文

萬曆二十六年五月廿二日長安馮從吾自孟
村訪友歸過興善寺前見一塋內樹有二碑其
一將仆余因下車省視之乃故太僕寺丞西郭
先生姚公墓也其碑乃故督學虎谷王公題其
碑陰王公仍書西涯李公贈詩一律余瞻其碑
讀其詩低回留之不能去越數日物色其曾孫
姚春姚冬葦因命工扶其碑而樹之碑既樹于
馮少墟集

卷七

祭文

廿

是于是年六月初九日偕友人王境劉必達蕭
耀焚楮酹酒告于先生之墓曰惟公之沒百有
餘年跡公行事一代豪賢頃過蒿里低思惘然
虎谷題墓錦字如鮮顧瞻豐碑為扶其顛庶幾
夙夜永永不遷假令公在願為執鞭尚饗

祭孟雲浦先生文

嗚呼先生秀鍾伊洛神降嶽嵩力承正學大啓
群蒙往歲辛卯幸挹高風切劘砥礪受益寔鴻
越歲壬辰余別先生之上谷先生恐余之離索

也遺余曹尤二先生之語錄余受而奉以周旋庶幾不至于顛覆中途請告謝絕徵逐幸有先生教言在儼若坐春風而誦讀故雖閉戶三年忘其爲獨寤寐宿也此余病痊北上先生業削籍西旋余乃就而訪之闈人辭之甚堅匪先生之過抗竇養重之宜然余信宿再訪之始獲與先生把酒而談天由是躑躅風塵稍稍得力者皆賴先生之教爲之左右而後先也亡何余亦削籍歸比道先生之里登先生之堂先生已先

馮少墟集

卷十七

藝文

廿五

期使使逆我伊水之陽余時以訂士諸稿就正于先生若闢荆棘而示之以周行瀕行復錄數語于便面用致丁寧于不忘余于是益感先生之教不翅更訂頑爲西銘如宋儒之程張別後未及浹歲聞有採薪之憂余方欲裁書而起居先生已辭世而仙遊嗚呼人生在世真似浮漚計音一至泣涕橫流嗚呼痛哉始余別先生於函關也見其神王氣充竊意必享期頤之美詎意握手之日卽爲永訣之秋也嗚呼先生筮

仕計部出納惟平販饑兩省向隅更生既遷銓部黜陟稱明清通簡要適駿有聲此世所為先生榮者而余不以為先生榮海內學士大夫方推轂先生大用于時乃竟至此天不可知勉先生之官未已也而又勉其年勉先生之年未已也而又勉其嗣此世所為先生悲者而余不以為先生悲蓋余所為先生榮者在遠接二程之傳而近契文成之旨俾伊洛淵源藉以常存而萬古人心有所底止矧有弟有侄又能世其家馮少墟集

卷十七

祭文

共

學則先生亦庶幾乎不死余所為先生悲者在吾道之運阨而斯文之會否同志者方有興起之意則今悵悵乎其無所倚豈直從吾一人抱鍾期之痛于無已也哉嗚呼關洛相距僅千里餘末繇奔真徒切款歔榻管歌嗒痛不盡書先生有靈或其鑒予嗚呼尚饗

王祭學會公祭王經軒文

維萬曆二十六年歲次戊戌八月甲寅朔越二十七日庚辰學會友人馮從吾偕同會某某謹

以牲帛庶儀致祭于明故四川資陽縣知縣經
軒王公之靈曰嗚呼關中理學推重橫渠而橫
渠之學乃自晚年得之觀勇撤皋比一變至道
之贊可知也嗚呼人患不志于道耳苟志于道
即蚤悅孫吳晚逃佛老何損焉以今觀于我公
非所謂老而志于道者邪公少年登科以風流
人物自命雖未嘗從事于學而本稟賦原自
不凡迨宦遊歸杜門謝客者十年人或疑公為
功名不遂而甘自廢棄也及至前歲丙申公約

馮少墟集

卷十七

祭文

廿七

不佞葦立會講學于寶慶寺後從公講論間得
讀公批點陸象山文集陳白沙詩教諸書見其
字字句句雌黃精確人人始知公十年杜門蓋
耽心于斯匪以功名不遂之故也而向所為疑
公者不惟憬然悟抑且赧然退矣寶慶月凡三
會公每會必至每至必早寒暑風雨未嘗少輟
諸同志赴會者必先問王先生至否每會公必
發一問端使人人有所憤悱雖講解發明時或
有所謙讓而聯屬鼓舞則直任之而不辭三年

以未人人踴躍而興起者秋毫皆公力也今不
佞輩方幸得公為依歸而公今遽然長逝矣嗚
呼痛哉始公之倡斯會也每會見公神王氣充
終日與言不見厭倦人皆以此卜公享耄耋之
美而今以一疾遽至于此嗚呼痛哉公生平瀟
灑坦夷不問家人生產業故晚年家益窘甚而
公毫不介意惟惓惓于問學當公病時猶勉強
赴會二次至七月朔而公病力始不克赴會矣
然猶厭家居多冗也靜攝于香城寺香城距寶

馮少墟集

卷十七

祭文

廿

屢不數十武諸同志當會期必先過香城候公
而後赴會人人以不得公為歎而公亦自以為
力不能赴會為歎仍伏枕書數語以代面講比
至臨終竟無一語及家事第曰順受其正順受
其正云耳嗚呼若公者真所謂甘貧好學死而
後已者哉公知學雖晚而自知學之後汲汲皇
皇恨不能一蹴而進于聖賢之域而又汲汲皇
皇恨不能舉同志之士俱一蹴而進于聖賢之
域雖忌者之搖奪百出而公之講自若也至于

病中深以知學之晚自悔而又深以晚而知學
自幸嗚呼不悔不幸不幸不悔觀公之悔與幸
而公之學可知矣公知學雖晚又何損于公哉
勇撤梟此一變至道人皆可以為橫渠特人不
自信耳嗚呼公往矣某等悵悵乎其無所依矣
斯文之痛安所紀極今為公三七之辰公具生
芻聊以寫哀公其鑒之乎否邪嗚呼痛哉尚饗

祭韓旻阜郡丞

維萬曆四十六年歲次戊午七月丁亥朔越二

馮少墟集

卷七

祭文

廿九

十二日戊申原任河南道監察御史通家治生
馮從吾謹以牲醴香楮之儀致祭于

明奉政大夫陝西西安府同知旻阜韓老公祖
之靈曰嗚呼公真不起邪抑傳者誤邪頃公權
稅潼關瀕行辭余依依不忍別去居無何而公
訃至矣嗚呼公真不起邪抑傳者誤邪公初司
李鳳翔也刑敷僑愛清凜楊知政聲藉甚關輔
時余杜門謝客雖聞問未通乃私心時嚮往之
而公不以余為不肖先施手翰倦倦問學其於

善利舜蹠之辨尤元元本本不落言詮而余亦
妄以一得為復今往返書札尚箴箝中若公者
其以理學為政事者耶余方望公內召蘭臺仁
符西土以大展所學而竟以直道不偶量移西
安郡丞西安為余郡余庶得朝夕請益心竊自
幸而余以多病庄居非公事不至僿室公不以
我為簡而禮遇有加焉愧非滅明辱知子游可
不謂千載一時哉公職司撫民諸凡善政為秦
人士造福無量而公又以廉介見知于填撫中

馮少墟集

卷十七

祭文

卅

丞特檄權闕人人方期公旦夕有特擢而公不
待矣嗚呼痛哉公年不滿德位不配望人皆為
公哀而公之尊人致位金紫公之兩弟聯翩鄉
書而公之象賢又少年與偕計父子祖孫兄弟
齊名競爽不翅三蘇且兩地甘棠並稱蔽芾公
于人間世亦庶幾無遺恨者惟是秦人士失所
天而海內失一正人君子不能不為梓里痛為
世道痛耳抑余之痛更有進于此者方今邊事
棘中外震驚以公之才望使得借觀察治兵

于邊則出奇制勝一寇兵有不足平者而公今
已矣寧不益重余杞人之憂哉且近世非學者
多信學者少如公以鄰邦大夫執弟子于深山
野人其冲襟遠韻今可數數見乎西蜀理學自
南軒鶴山東窓後代不乏人余方幸公羽翼斯
道自南軒而上接孔孟之傳而今若此此夫子
所以有喪予之悲也嗚呼余之痛公豈徒僅僅
如世俗生死存亡之感也歟哉嗚呼錦江涸波
玉壘摧峰萎矣哲人渺矣高蹤爰筆寫哀痛盡

馮少墟集

卷二十七

祭文

廿一

填胸桐鄉尸祝如觀音容嗚呼痛哉尚饗

祭伯兄文

維天啟元年歲次辛酉三月癸卯朔越二十一
日癸亥太僕寺少卿期服弟從吾率男嘉年孫
湛若等謹以剛鬣柔毛清酌庶品之儀致祭于
恩詔冠帶貢士伯兄牛翁先生之靈曰嗚呼痛
哉兄胡遽背棄弟而逝耶先是吾父之棄養也
兄才十八歲弟才九歲未及五年而吾母亦棄
養彼時弟嬰危病生死未卜安敢望其成立而

兄飲之食之教之誨之匪手攜之言示之事匪
面命之言提其耳故弟之得有今日者皆兄之
以也弟即有胸無心寧不知感頃弟伏庇叨
賜環之命而兄亦欲就選銓曹方欲偕兄北上
而不意兄一疾至此嗚呼痛哉兄壽踰古稀有
子有孫又能世其家學則兄亦可以無憾惟是
從吾以六七十年相與之兄弟而一旦有生死
之別鶴鴿增痛手足傷懷有不能為情之甚耳
嗚呼痛哉居諸易駛倏忽三七聊具薄奠少盡
馮少墟集

卷七

祭文

世

哀思惟兄鑒之嗚呼痛哉尚饗

詩

涇野關中四先生詠

涇野呂先生泉元來餘賦吳奉毅命於...

涇野呂夫子矯矯崇正學挾冊遊成均馬崔同

切琢馬谿田射策冠時髦聲華何卓犖慷慨批

龍鱗封章凌五嶽講學重躬行乾坤在其握吁

嗟橫渠後關中稱先覺

谿田馬先生

卓彼馬光祿聲望高山斗弱冠崇理學平川稱

馮少墟集

卷十七

詩

世三

畏友立朝無多日強半在畝畝富貴與功名視

之如敝帚垂老學逾虛一步不肯苟吁嗟如先

生百代名難朽

苑洛韓先生

偉矣韓司馬造物鍾奇異讀書探理窟著作人

難企生平精樂律書成雙鶴至立朝著偉節居

知譚道義繫有五泉子孝弟稱昆季嗟余生也

晚景行竊自愧

斛山楊先生

挺挺揚侍御直節高今古人知直節難不知問
學苦獄中究理學周錢日揮塵周訥溪歲寒節
彌堅不茹亦不吐之死誓靡他淵源接鄒魯嗟
彼虛僑人敢與先生伍訥溪緒山時

觀書吟

立言先立意意定始修辭欲得辭中意當看未
立時

善利圖

聖狂分足處善念是吾真若要中間立終為蹠

馮少墟集

卷十七

詩

三

路人

自省吟

日用平常自有天如何此外覓空玄請看魚躍
鳶飛趣多少真機在眼前
千聖相傳只是仁滿腔惻隱始為真納交要譽
中何用收歛精神做主人

讀書

切已工夫只恨少會心言語豈須多而今識得

蜀輪意甘苦疾徐柰若何

輕言能悟即非悟漫道無疑便是疑終夜吾伊
渾不寐清風明月坐來時

丙申春日與同志論學因及莫春章有感

為賦十二絕

春風沂水兩初晴童冠新成洙泗盟兩兩三三

閑玩適歸來歌詠不勝情

鼓瑟吾門樂有餘強兵富國竟何如縱然堯舜

勲華業一點浮雲過太虛

幾日清閑幾日忙春風沂水任相羊莫教童冠

馮少墟集

卷七

詩

廿五

空歸去贏得當年點也狂

行藏用舍幾人同曾點原非鄙事功一自詠歌

歸去後乾坤何處不春風

信步躋來自坦夷何須沂水始相宜風流不得

前賢意晋室清談又足悲

富貴功名自有時人生何苦日攢眉不如曾點

風雩樂省得經營也是奇

服成麗景莫春天童冠風雩亦洒然此日詠歌

無足異簞歌不改始為賢

算瓢不改亦非賢人不堪憂徒自憐俗學不知
吾性樂丟過自己覓顏淵為不足長若向精中
吾儒真樂自天然何必求仙又學禪沂水風雩
多少趣孔顏樣子此中傳
憶昔宣尼發憤年曲肱疏水樂悠然狂夫但得
夢兒意解脫人生名利緣神神神聖十年學不
人生有樂豈無憂憂樂從來為伎求不伎不求
隨處樂春風沂水自優游

馮少墟集 卷十七 詩 廿六
鷺飛魚躍在天淵夫子安能不喟然若使中間

稍有物任他行樂亦為偏

勉學

寥寥聖學幾多時春色今看上柳枝世路險夷
渾是夢人情反覆揔成癡晞賢晞聖千年事不
欲不為一念知莫把歲華容易過關閩濔洛是
吾師

讀易復卦

一陽來復見天心此際真為不易尋若向靜中

察得透那知往古與來今

天心方動見微陽
念獨知夜未央
悟到庖羲未畫處
天根月窟任徜徉
未嘗
答友人問坐馳
方寸茫茫易外馳
外馳不識欲何之
能于之處常防檢
便是主翁在室時
方寸茫茫易外馳
外馳知得是誰知
能知即是能收處
一榻清風獨坐時

讀割烹章

人生取與要分明
少不分明百事傾
一介莫言

馮少墟集

卷十七

詩

世七

步小事古今因此重阿衡

古今因此重阿衡
一介原來道匪輕
不是聖賢局
固小格天大業
此中成

野叟耕莘避世情
直將堯舜樂生平
假非一介嚴辭受
千載誰為辨
割烹當年心事
鬼神驚
吾儕有志

希賢聖肯把塵埃誤
此生

未嘗
余自戊戌卧病閉關
九年
至丙午冬始勉

赴學會感而賦此

衡門之下可棲遲
泌水洋洋足樂饑
肯矣詩人非漫我
病夫今日益相宜
藥物頗為供塵情
摠不知閉關垂十
載如在羲皇時

偶書

竭來學問尚繁文
千古真傳豈易聞
試問此心空洞否
池蓮窻草正芳芬
竭來學問尚諱虛
千古真傳妄掃除
試問此身實踐否
天心月到水成渠

馮少墟集

卷十七

詩

廿

戊申莫春偕王惟大郡丞宜化汝刺史劉孟直郡丞楊工載進士周淑遠大叅張去浮學博宜叔尚文學講學太華山中同志至三百餘衆

徵會來蓮嶽良朋喜共遊
白雲時去住野鳥自夷猶
雨霽千巖翠春深萬木稠
山靈真有待吾道重千秋

青柯亭榭倚山隈
喜見儒冠濟濟來
心性源頭原有辨
觀聞起處豈容猜
三峯直欲凌霄漢
九

的常看浸草萊此會莫言閑眺玩百年道運自
今開

讀數仞章示門人

數仞宮墻門自開百官宗廟亦雄扎祇因接引
無同志遂令及門空自回

遂令及門空自回宮墻外望亦堪哀從今覺悟
求師友携手同登天上来

數仞宮墻門自開人人皆可任徘徊祇因自己
甘封閉遂令堦前長綠苔

馮少墟集

卷十七

詩

卅九

遂令堦前長綠苔一朝剪却即蓬萊升堂入室
誰無分努力前途莫浪猜

求神讀陋巷章自勗

命定難逃陋巷貧機關徒惹鬼神嗔不如打疊
心源淨做箇羲皇以上人

命定難逃陋巷貧奔忙徒惹世人嗔不如閉戶
焚香坐做箇乾坤無事人

中和吟六言十絕

此心常是中和猶恐客氣易肆若把此心攸開

容氣何所不至
離目盡是天淵
必取其真
平居此心
故事猶恐
視事無傷
若把無傷
視事
可憐其禍
將長千古
聖學真動
轄中食此
道氣
道理平常
看透猶恐
一時差訛
若以道理
為迂
將來決裂
必多
學問終日
相講猶恐
行時茫然
若是只行
不講
行錯誰肯
相憐
未發之中
得力猶恐
已發不和
若于未發
不慎
發不中節
奈何

馮少墟集

卷十七

詩

四十一

禪學空談性命
面辟求之
渺茫不知
性命實理
只在日用平常
吾儒自有精微
未發之中
便是離中
求之渺茫
又與佛氏何異
控制六馬
猶易駕馭
一念為難
喜怒哀樂
中節
才得身世平寬
不覩不聞
非無千古
聖學真傳
靜中看此
氣象
位育就在目前
氣象非落幻景
觸目盡是天機
必須戒慎
恐懼

才得魚躍鳶飛

且說夏日郊居有以腴田求售者余辭去賦此
雲却志喜中乘以夫更匪真然其本野今風平
生平甘寂寞那得買山錢幸有先人業耕耘度
歲年幸願致財亦雨和百代誠安其其
耕田守祖業講學繼儒先此外無餘事逍遙到
百年

寄懷鄒南臯先生

憶昔嬰鱗出帝畿志完聲價古今稀千年絕學

馮少墟集

卷七

詩

七

君能繼一點真心我不違
李有情開絳帳乾坤無事掩柴扉
何時負笈來相訪五老峰頭爛
醉歸

與同志講學太華書院

太華峰頭好振衣
雨晴百卉競芳菲
孔顏博約傳心訣
堯舜危微淺性機
佞鶴遠從天外至
白雲時傍洞中飛
功夫湏到真源處
才得吟風弄月歸

